

Kusaal - Agape Wina'am Gbaunjin - God's Love Letter Scriptures

Joon 15:9 "M Ba' nonji m si'em la, ala men ka man nonji ya. Kpelimi be ne m noñjir la poogin.

Azaya 43:1,2 - Efesus Dim 2:10 Li ane Wina'am maali ti ka ti a yinni ne Yesu Kiristo ye ti tum tuumsuma line ka o pun denjim digil ye ti yu'un ninjid la.

Jeremia 1:5 - Galatia Dim 1:15 Ka Wina'am lee daa ganji m ka ba nam pu du'a ma, ka buoli m o sa'an o popielim zug.

Joon 15:16 Ka' yaname ganji ma. Amaa mane ganji ya ye ya tum tuumsuma wuu tisuñi n wan welsuma si'em la. Ka ya tuumsuma na kpelim. Ka ya ya'a sos m Ba' Wina'am si'el man yu'ur zug o na tisi ya.

3 Joon 1:2 M zua nonjire, m sos Wina'am ye fu si'el wusa na a su'um, ka fu na be laafe, ka mi' ye fu siig mor laafe Wina'am tuon.

Azaya 43:4 - 1 Piita 2:9,10 Amaa yanam ane tuñ yinni dim ka Wina'am gañ, ka ya a maalmaanib bane a na'anam, ka a Wina'am nidib bane a nyain ye ya mool o nyalima tuuma la, one buoli ya tuumbe'ed zin'igin line a likin ka more ya na kpen'esi o neesim zin'ig line a nyalima la ni. 10 Sañsi'en la ya da ka' Wina'am nidiba, ka nannanna ya aa o nidib. Ba da pu zoti ya nimbaanliga, amaa ba yu'un zoti ya nimbaanlig.

Jeremia 31:3 - Efesus Dim 1:4 Dunia da nam pu pin'il la, Wina'am da pun denjim ganji ti ye ti aa o nidib n a yinni ne Kiristo ka a nyain o tuon ka gbada kae'.

2 Timoti 1:9 one faann ti ka buoli ti ye ti a o ninsuma la, ka li ka'ane tiname tum si'el la zugo, amaa li ane o meñ boodim ne o popielim piini line ka o tisi ti Yesu Kiristo ni, yuma bane gaad ka dunia nam pu pin'il la.

Joon 3:16 Wina'am noñ dunia hale ka o tum o biyimir la n tis na. Ka one niñ o yadda la, ku bodige, amaa o na nye nyovur dine ka' naare.

Hosea 11:8; Azaya 49:15,16; & Azaya 41:13,14

Luuk 12:32 "Yanam yadda niñidiba, da zot dabiem; ka li ane ya Ba' boodim ka o na tisi ya o so'olim la.

Mateo 28:20 Ka pa'ali ba m noyelug kan wusa ka m tisi ya la, ye ba siaki li. Banjimi ka m na be ne ya saña wusa n ti paae dunia naar."

Joon 14:1 Ka Yesu yeli ba ye, "Da ke ka si'el daam ya sunyaa. Ninjim Wina'am yadda, ka niñ man yadda men.

Yuuma 23:1 - Joon 10:11 "Mane a konbkem suñ la. Konbkem suñ la pesigi o nyovur pe'es la yela.

Yuuma 23:2 - Nier Pa'alug 7:17 Pe'ebil one be na'am gbaunj la teñsuk la na guri ba, ka doli ba keñ ku'obulum line tisid nyovur la. Ka Wina'am na eens ninto'om wusa ba nini ni."

Yuuma 23:3,4 - Luuk 1:79 n tis bane be likin ne bane ka ku'um kpen'esidi ba dabiem, ka pa'ali ti suekane ka ti na dol ka nye sumalisim."

Yuuma 23:5,6 - 2 Korint Dim 1:10 O faaenn ti yeltoog tita'ar line a ku'um la ni, ka ti

mi' ye o na lem faaenn ti, ka mor ti'ir o sa'an ye o na lem faaenn ti ya'as.

Filipi Dim 4:7 Wina'am na tisi ya sumalisim line gat din ka ninsaalib na banji li gbin ka na guri ya sunya ne ya ten'esa Yesu Kiristo ni.

Siiłimi 3:24 & Yuuma 4:8 - Joon 14:27 "M basi m sumalisim tisi ya, ka li ane m meñ sumalisim ka m tisi ya, ka pu wenne dunia tisidi ya si'em la. Da ke ka ya sunya sa'am, bee ka dabiem kpen'e yaa.

Yuuma 33:18 - 1 Piita 3:12 Zugsob la kpa'a o nindaa n gosid bane a sida dim la, ka o toba kelisidi ba sosug, ka nya'ali bid kudug ne bane a tuumbe'ed dimin."

Room Dim 5:2 Kiristo ke ka ti nye Wina'am popielim piini ka more li kiŋ kiŋ, ka me mor ti'ir ye ti na la'am di'e na'asi ne Wina'am. Ka li tisi ti sumalisim.

Azaya 55:12 - Luuk 19:40 Ka o lebisi ba ye, "M yeti ya ye, bama ya'a ke vuud, kuga gba' na pian'a man."

Joon 16:22 Ala men ya sunya sa'am nannanna amaa m na lem nyee ya ya'as, ka ya na mor sumalisim, ka so' ku ke ka ya sunya lem sa'am.

Luuk 12:9 Ka one mekama ki'isi m nidibin, m me na ki'is o Wina'am maleknam la tuon.

Mateo 10:30 Hale zuobid line be ya zutin la, Wina'am mi'i li kal.

Azaya 54:10 - Mateo 24:35 Saazug ne dunia na gaad, ka man pian'ad la lee ku gaade.

Mateo 11:28-30 "Kemi mam sa'an na, yanam ban wusa ze zetebisa genn la, ka mam na tisi ya vu'usum. 29 Zanjimi m yokisin daug la n pa'al ya ningoya zug ka zamis mam sa'an. Ala ka ya na nye vu'usum, bozugo m ane sumbugusum daana. 30 M yokisin daug la fakne ka m ziid la pu tebisa."

Solomon 2:10 & Hosea 2:14,19,20

2 Korint Dim 11:2 M nyuune ya yela wuu Wina'ami nyuune ya yela si'em la, li wenne dau one gur po'a'eliŋ one zi' dau la, ka ti ke ka o kul sid. Ka yanam wenne po'a'eliŋ la, ka o sid la me wenne Kiristo ne.

Exodus 3:14 - Hibiru Dim 13:8 Yesu Kiristo pu tiakeda. On sa a si'em su'os la, o ane ala zina, ka na kpelim aa ala sanja mekama.

Hosea 13:4 - Tuuma 4:12 So' lem kae' a faangire. Ka yu'ursi'a lem ka' dunia nwa zug ya'as n na tis nidib ka ba nye tiligire."

Joon 15:14 Ya ya'a siak m noor zi'elug la, ya ane m zuanam.

Joon 14:6 Ka Yesu lebis o ye, "Mane a suer ne yelmenjir ne nyovur. So' kae' na nyaŋ n keŋ m Ba' Wina'am sa'ane, asee o paae man.

Nier Pa'alug 3:20 Kelisimi. M buoni ya wenne one zi'e za'anoorin kabirid ne. Ka so' ya'a wum m kabirug la ka siak, m na kpen' o yin na ka man ne on la'ase di.